

reliquos inimicos eius, qui tã breui tẽpore gauisi sunt, vt dici possint non esse gauisi.

XIII. Me autem propter innocentiam suscepisti, & confirmasti me in conspectu tuo in æternum.

Docet, inimicos non diu gauisuros de morte sua; quoniam à Deo susceptus & exaltatus ob innocentiam suam fuerit. Me autem, inquit, propter innocentiam tibi optimè notam, suscepisti de manibus eorum, & confirmasti in conspectu tuo in æternum, id est, humiliasti me ad horam in conspectu hominum, sed suscepisti, & confirmasti me in conspectu tuo, id est, stare fecisti ante conspectum tuum in cœlo vsq; in æternum: vox enim hebræa significat, statuisti ante conspectum tuum; quod factum est per exaltationem, & assumptionem in cœlum.

XIV. Benedictus Dominus Deus Israel à sæculo, & vsque in sæculum, fiat, fiat.

Ista conclusio, siue Christi sit, siue Prophetæ, nihil aliud significat, nisi propter exaltationem Christi, & confusionem inimicorum eius, deberi honorem, & gloriã, & benedictionem Deo ab æterno, & vsque in æternum, id est, sine fine. Illud autem, fiat, fiat, Hebraicè autem Amen, Amen, confirmatio est dictorum, vt sensus sit, verè, seu fideliter ita fit, siue ita fiat, & semper Deo laus & gloria deferatur. Atque hic est finis primi libri secūdum hebræos, qui Psalterium in quinque libros distribuerunt.

יְהוָה יְהוָה

## PSALM. XXXXI.

*Titulus, & Argumentum.*

In finem, intellectus filijs Core.

**T**itulus admonet filios Core, quibus dabatur Psalmus cantandus, vt intelligant qua canunt, vt & auditores intelligere faciant: qua admonitio cantoribus Ecclesiasticis memoria commendanda est: cantus enim in Ecclesia spiritui deseruire debet, & non soli aurium oblectationi. Et sicut qui intelligenter, & deuotè canunt, ani-

mos audientium rapiunt in Deum, ita quæ theatrales modulos in Ecclesiam inuehant, de domo Dei scenam Mundi faciunt. Vide S. Hiero. in caput quintum ad Ephesios. Argumentum Psalmi aliqui esse volunt, quòd Dauid exul tempore Saulis queratur, se non posse ter in anno in Hierusalem ad festa Domini accedere. Sed tempore Saulis non erat tabernaculum Domini in Hierusalem, sed in Silo, & ad eum locum ibant ter in anno Israelita. Præterea tã ingens desiderium, quale hoc loco exprimitur, non videtur posse referri ad tabernaculum manufactum, & arcam lignèã. Propterea Psalmi argumentum esse putamus, vt sancti Patres Hiero. August. & Chrysost. docent, quòd Dauid amore diuino succensus, exprimere conatur vehemēs desiderium, quo tenebatur perueniendi ad visionem Dei, qua est vera, & sempiterna felicitas, cum tamen inter tentationes, & pericula peregrinationis viueret. Sed dum ipse desiderium suum exprimit, simul docet, qua sint argumenta, unde verus Dei amor possit agnosci.

## EXPLICAT. PSAL. XXXXI.

**Q**uemadmodum desiderat ceruus ad fontes aquarum, ita desiderat anima mea ad te Deus.

Amor res est igneæ naturæ, ac per hoc intus retineri non potest, sed per verba, & suspiria foras erūpit. Dauid igitur, vt amorem suum aliquo modo exprimat, comparat se Ceruo sitibundo, dicens, Quemadmodum desiderat ceruus ad fontes aquarum, videlicet, peruenire; ita desiderat anima mea peruenire ad te Deus; quæ aptissima similitudo est: ceruus enim quatuor habet qualitates: primū inimicissimus est serpentibus, atq; cum eis perpetuum bellū gerit: deinde, cum à venatoribus quæritur, ad montes altissimos velocissimo cursu confugit: tum, mandatum illud Apostoli, Alter alterius onera portate, ab instinctu quodam naturæ obseruat: nam, vt scribit S. Aug. tum hoc loco, tum serm. 21. de verbis Apostoli, traduntur cerui, vel quando in agmine suo ambulant, vel quando natādo alias terrarum partes petunt, onera capitum

pitum